

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

**Sarasa, Alfonsus Antonius de
Antverpiae, 1664**

Dissertatio Theologica. Responsio ad ea quae Reuerendissimus Dominus
Ioannes Caramuel de Scientiâ conditionalium docet in Theologiâ suâ
fundamentalî.

urn:nbn:de:hbz:466:1-13517

DISSERTATIO THEOLOGICA

APPENDIX

*Ad Tractatus quarti §. 7. & Tractatus
quinti §. 1.*

RESPONSIO.

*Ad ea quæ Reuerendissimus Dominus Ioannes
Caramuel de Scientiâ conditionalium docet,
in Theologiâ fundamentali. Lib. I. thesi 6. in
impressione Francofurtensi. n. 77. in Romana
verò. n. 116.*

§. I.

*Scientia conditionalium, quâ Deus omnia condicio-
natè futura illimitatè nouit, receptissima est apud
Theologos omnes.*

 Ecepta quamvis sit in Theologorum scholis, ea
quam proposui conditionalium in Deo Scientia,
vti fuse ostendit Suar. to. 1. de grat. Prologo-
meno. 2. cap. 1. aliquis qui post eum scripsere
auctores; præsertim Ruyz. To. de Scientiâ Dei.
Disp. 67. per sectiones nouem; eique passim re-
centiores Thomistæ subscrivant, quamvis in modo eam expli-
candi à nobis discrepent, vt rectè monet Derkennis. De Deo
trino & yno, disp. 8. c. 7. §. 3. Rursus quamvis eam ipsam scien-
tiā, ex auctoritate & præcipue D. Augustini, manifestissimè
& do-

& doctissimè conuincant Suar. in Opusc. 1. 2. de Scientiâ condit. cap. 2. & fusiis Prologom. 2. 3. & 4. fusissimè verò Ruyz. Disp. 65. per sect. 12. Dilsp. 66. per sect. 9. quibus nescio an quidquam præclarus addi possit, ad totius rei confirmationem solidissimam : hæret tamen Reuerendissimo ac Doctissimo D. Caramueli aliquis scrupulus, isque non exiguis, non quidem quod *negaturus sit sententiam esse probatissimam*, vti fatetur. n. 114. in impressione Romana (quam deinceps sequemur in numerorum allegatione) sed quod *eruditio[n]is gratia* (vti fatetur n. 115.) nonnulla Theorematata velit subiçere, contra quæ libenter videbit, quid ex Sacris litteris possit obici. De Patrum itaque auctoritate & testimonij, item de Theologorum vñanimi consensu, non multum laborat, modo per Sacras Paginas eæ, quas proponit, theses non conuincantur. Sperat enim se ostensurum indeterminationem, quam ponet (hoc est sententiam suam, circa futurorum conditionalium indeterminatam veritatem & falsitatem) et si conferatur cum Sacris Litteris, permanuram probabilem. Locorum autem, qui ex Sacrâ Paginâ circumferuntur, probabiles solutiones dum promittimus, inquit, dabimus probabiliores; forte manifestas & certas. Verum antequam solutiones illas examinemus, proponenda erit ea, quam de Scientiâ conditionalium, sex thesibus explicat doctrina, n. 116. Hæc eius verba,

§. II.

*Eam tamen ad pauca quedam limitare & restringere
conatur Caramuel.*

2. **P**rimum Theorema. Non datur scientia media. Nempe illa quam Patres Iesuitæ tuentur. Scientiam enim conditionalium, quæ ab absolutis necessariò inferuntur, non negamus.

Secundum. Non dantur physicæ prædeterminationes.

Tertium. Non dantur decreta in Deo Conditionalia, quæ actus hominum liberos prædefiniunt; qualia ponuntur à Thomistis.

Quartum. Futura libera Conditionalia, nempe illa quæ ab

Q

*theses C.
aramuelis
de scientia
conditionalium.*

alio futuro absoluto non inferuntur infallibiliter aut necessariō, nee habent determinatam veritatem nec falsitatem.

Quintum. Futura conditionata imperata, quæ ab alio futuro absoluto necessariō aut infallibiliter oriuntur, habent determinatam veritatem, nimirūm in futuro absoluto; ita ut istud cognoscens, illa non possit ignorare.

Sextum. Ad hanc ultimam classem pertinent futura omnia conditionata, quæ in Scripturā reuelantur. Adeoque diuinæ illæ reuelationes, tam formaliter quam obiectiuè sumptæ, habent certitudinem & infallibilitatem veram realem in omni rigore metaphysico.

Scientiam
condicio-
naliū Deo
et paucis-
sima obie-
cta restrin-
git Caramuel.

Hactenus Caramuel, magno sanè, ut eius phrasī vtar, supercllio. Hinc autem sequitur Scientiam Conditionalium in Deo, ad pauca quædam contrahi; nullamque de possibilibus Angelis aut hominibus habere scientiam; neque scire Deum, an si plures crearet, damnandi illi forent an saluandi, liberi arbitrij bono vel malo vsu: neque etiam cognoscere quid homines facturi fuissent, si Cataclysmo, tempore Noëmi, non fuissent extinti; neque denique quid quiuis homo facturus fuisset liberè, nee consequenter an saluandus fuisset an damnandus; si diutius vixisset. Nullum enim futurum absolutum in possibili isto statu est, ex quo necessariō & infallibiliter oriuntur hæc conditionata; atque adeò, vt nobis persuadere vult Caramuel, non habent determinatam veritatem aut falsitatem. Quam verò absurdum sit, Deo earum reruin scientiam denegare, nemo non videt. Hoc autem iam non ago, vtpote à præstantissimis, quos laudaui, Theologis, præclarissime demonstratum. Caramueli iam inhæreo, rationemque Theorematum positorum exposco.

Nihil autē
Deo dene-
gandum,
nisi quod
impossibile
aut abfur-
dum esse
posuisse de-
monstratur.

Eam dat hisce verbis. *Et quidem hæc Theorematæ nullo alio me- liore modo propugnare poterimus, quam dissoluendo singulas obiectio- nes, que possunt contra nostram doctrinam adduci.* Verum pace Re- verendissimi D. Caramuelis dixerim, non videri mihi bonam esse de Deo philosophandi hanc, quam init, rationem. Neque enim si perfectio aliqua ei inesse non probatur adeò euidenti ratione vt saltem ea probabiliter euerit non possit, illiconeganda est Deo inesse ista perfectio. Quinimo prorsus contraria in- eunda est via; & si vel probabilis pro Deo assertur ratio, imò et iam si nulla alia appareat, quam quod perfectio sit aliqua id de quo

3.

4.

quo quæritur, illico id Deo inesse concludendum est potius, saltem nullatenus denegandum, nisi prius & euidenter & demonstratiuè, non probabiliter tantum, istud imperfectum aut impossibile esse positiuè ostendatur, quod Deo inesse disputatur. Iam vero nemo negauerit, si Scientia conditionalium (qualem asserunt non solum Patres Iesuitæ, sed praessim omnes Scholæ) possibilis sit, eam Deo inesse: praeclarissimumque fore Numinis encomium, si non tantum paucula quædam conditio-
nata, in hâc rerum serie cognoscat; verùm etiam si ei omnium, etiam possibilium, futura conditionata fuerint perspecta. Infinitis itaque gradibus perfectior cum sit ea scientia sic expansa, praez est eam Caramuel suis Theorematibus ad pauca contrahit, nullo modo satisfaciet respondendo ad rationes, praeterim si ad paucas tantum ex multis respondeat, quibus positiuè ea perfe-
ctio Deo inesse ostenditur: neque suam sententiam faciet vlo-
modo probabilem, nisi prius euicerit, perfectionem illam esse
impossibilem, aut absurdam, aut quod idem est, non esse.

5. Facit hoc inques, nam Theotemate quarto disertè ait, *futu-
ra conditionata libera, nempe illa, que ab alio futuro absoluto non in-
feruntur infallibiliter aut necessariò, nec habent determinatam veri-
tatem aut falsitatem.* Afferit id quidem Caramuel, sed alij Theo-
logi praessim id omnes negant: aiuntque propositionem illam Pe-
trus curret, veram esse vel falsam, eo quod è duabus contradic-
toriis, alterutra necessariò sit vera, altera falsa: quod si ita est,
certè ab æterno vera fuit vel falsa sine vlo decreto superaddi-
to: neque conditio adiecta quidquam veritati aut falsitati adii-
cit aut demit.

6. Hic vero paululum excandescit Caramuel, num. 107. *¶* non
partiar, inquit, hoc proponi argumentum, quia non meretur solutionem: est enim quoddam speciem aliquid, *¶* si bene examinetur, nihil. Hoc
certè, ut parùm dicam, est admodum contemptum de grauissi-
morum Theologorum argumentis ferre sententiam. Bene igitur
argumenti vim examinet Caramuel, quid respondebit porrò?
istud sanè quod post aliquot interrogatiunculas, n. 107. proposi-
tas ait n. 108. & seqq. propositiones istas conditionales, sicut ab-
strahunt à decreto Dei absoluto, ita abstrahere à veritate & fal-
sitate. Quod nihil aliud est dicere, quàm quia conditionatæ pro-
positiones futuræ non sunt, ideo non sunt determinatæ falsæ nec
veræ.

Q. 2

*Non facie
id Cara-
meli.
¶*

*Sed provi-
tione thesi-
dat ipsam
thesim.
¶*

veræ. hoc autem quid est, nisi assumere id quod probandum est, & Thesin dare pro ratione Thesis? Prius enim ostendendum erat, & verò ratione demonstratiuā euincendum, nihil verum aut falsum esse, nisi quod decreto D^Ei absoluto attingitur. Neque simpliciter assērendum, sed probandum id quod dicit. nu.

111. *Dico igitur decretum Diuinum esse cum propositionum contingentium veritate d^T falsitate, necessariō d^T quidditatib^e connexum,* hoc enim rursus tantū assumitur & non probatur, iamque à nostris Theologis s^pepiūs responsum est, conditionatas propositiones illas à Deo non in decretis suis, sed in seipsis cognosci. vide Derkennis, Vekenum & alios supra laudatos, præsertim Ruyz disp. 73.74.75. nolo enim huic insistere argumento, ut ostendam Caramuel in speciem aliquid dicere, d^T si bene examinetur, nihil. Illud semper vrgeo, quod cùm demonstratiuē & evidenter non conuincat aut absurditatem aut impossibilitatem huius Scientiæ; & rursus, cùm nemo non videat eam Scientiam si in Deo sit, perfectionem esse infinites maiorem, quam ea quam ponit Caramuel, certè eam perfectionis omnis origini & apici, minimè fuisse dénegandam, ob nescio quæ commenta, quæ mox persequar.

Es ne probabilit̄ quidē probat eam scientiam in Deo non esse.

Non credat igitur Caramuel, Theorematu^m sua optimè se pugnare, etiam si probabiles afferret solutiones obiectionum, quæ contra doctrinam suam proponuntur, nam etiamsi certissimas daret solutiones, nihil adhuc ageret. tantū enim id ostenderet, nos positiuē non probare perfectionem illam Deo inesse. aliud autem est perfectionem non inesse Deo, aliud non recte probari eam inesse. Certè multa in sunt Deo, quæ ei inesse, ratione demonstratiuā non possumus conuincere, satis id est ut dicamus inesse perfectionem aliquam Deo, qui in omni genere entis est perfectissimus, si contrarium liquido non demonstretur, aut per absurdum, aut per impossibile. hoc cum non agat Caramuel, non credat sententiam suam nequidem probabilem; nisi velit aliquid esse probabile, quod non probatur nequidem ad speciem; aut velit sententiam dici probabilem quæ ab uno auctore, sine vllā ratione, eruditionis tantū causā, prout se facere dicit, proponitur.

Verūm, cùm illud præsertim vrgeat, ex Sacris Paginis non possit conuinci, aliam in Deo conditionalium Scientiam dari, præter

Scriptura rum pro Scientia illa

præter eam quam ipse determinat Theoremate 5. & 6. videamus porro, quām probabiles sint solutiones, quas tamen putat Caramuel fortè futuras certas & manifestas. Hoc tamen, inquit, non urgeo; non enim ad me iudicium, sed ad candidum Lectorem spectat.

9. Itaque ut nodum, quem soluere conatur Caramuel, clare exponamus; illud Lectorem monere non pigebit, loca quædam esse in S. Scripturâ, ex quibus clarissimè conuincitur Deum aliqua futura conditionata cognoscere, quæ tamen ex libero hominis pendent arbitrio. Fatetur id Caramuel, & quidem non conieaturaliter tantum, ut aiunt, sed certò & infallibiliter ea Deum cognouisse, & prædixisse agnoscit. At vero ea conditionata, quorum in Sacrâ Paginâ sit mentio, afferit cognouisse Deum in aliquo absoluto futuro, vnde necessariò & infallibiliter inferebantur, arque adeo in illo absoluto, ea habuisse determinatam veritatem aut falsitatem. Hinc autem concludere vult, alia conditionata sub Scientiam Dei non cadere; ea nempe, quorum veritas aut falsitas ex aliquo futuro absoluto necessariò & infallibiliter non inferuntur. Et quamvis id non sequatur: Hæc quæ ex sacrâ Paginâ afferuntur conditionata, Deus sciuit in aliquo futuro absoluto, vnde necessariò inferebantur; ergo non scit alia conditionata, quæ à tali futuro absoluto non dependent; cum vrumque verum esse possit: tamen opere pretium erit examinare futura illa absoluta, ex quibus ut vult Caramuel, dependebat veritas aut falsitas conditionatorum, quorum Scientiam claris verbis Deo tribuunt sacræ Paginæ.

§. III.

Ostenditur quām improbabiliter Caramuel finxerit decreta absolute Ceilitarum & Saulis; deinde quod illis adhuc positis, Deus non potuerit infallibiliter predicere Dauidi futuram prodictionem Ceilitarum, sine Scientiâ conditionalium illimitatâ.

10. PRimum illudque celeberrimum, pro Scientiâ conditionalium Deo afferendâ, testimonium petitur ex 1. Reg. 23. quod ut clarius exponatur, aliqua quæ historiam spectant, altius sunt

Q. 3

repeten-

alitarum
neprobabi-
les quidem
asserit
tiones.

Neque si
eas adfir-
ret, adhuc
probaret
scientiam
conditionalium illi-
mitatâ in
Deo nō esse.

repetenda, quia vsui sunt futura. Philistæi obcederant Ceilam; David Saulem fugiens cum suis, nihilominus, gentis suæ periculo cognito, postquam Deum super hâc re contulisset, Philistæos forti animo aggressus est, & percussit eos plazā magnā, & saluauit David habitatores Ceile, v. 5. Audiuit Saul, re benè actâ, Daudem Ceilæ se continere. Itaque p̄cepit Saul omni populo, ut ad pugnam descenderebet in Ceilam, & obcederet David, & viros eius. Quod cum David resisset, quia p̄pararet ei Saul clam malum, dixit ad Abiathar sacerdotem, applica Ephod. Et ait David, Domine Deus Israël, audiuit famam seruus tuus, quod disponat Saul venire in Ceilam, ut euertat urbem propter me. Si tradent me viri Ceile in manus eius! & si descendet Saul, scut audiuit seruus tuus Domine Deus Israël: indica seruo tuo. Et ait Dominus descendet, dixitque David: si tradent me viri Ceile, & viros qui mecum sunt, in manus Saul & dixit Dominus: tradent. Surrexit ergo David, & viri eius quasi sexcenti, & egressi de Ceilâ, hic atque illuc vagabantur incerti. Nuntiatumque est Sauli, quod fugisset David de Ceilâ, & saluatus esset; quam-ob-rem dissimulauit exire. Hactenus facer textus.

11.

*ut infallibilitatem
oraculi ex-
placet Ca-
ramuel, re-
currit ad
duo decre-
ta absoluta
hominum.*

Manifestum est duo hic prædixisse Deum futura sub conditione, quæ tamen ob conditionis defectum numquam euenerat. Scilicet descensum Saulis si Daud permansisset Ceilæ, & præditionem Ceilitarum: quod si prædixit infallibiliter futurum utrumque, clarum est Deum præsciuisse futura sub conditione Daudicæ mansionis in vrbe Ceilâ. Fatetur id nobiscum Carael. n. 117. hisce verbis. Dico igitur Scientiam Dei in illâ prædictione fuisse infallibilem de obiecto infallibili, nec tamen contra nostram doctrinam militare. Attendite si placet rationem sciebat enim, inquit, Deus Saulem, istam habere voluntatem de facto, quod si David veniret Ceilam, aut ad aliam similem ciuitatem, esset iturus illuc & intercepturus illam: & videbat Deus Saulem multis diebus sequentibus continuaturum istum actum, & hoc Scientiâ Visionis. Sciebat etiam Ceilitas decreuisse de facto tradere Daudem Sauli, si illum in potestate haberent, & hic illum peteret: & statibus illis duobus decretis actualibus (altero Saulis, altero Ceilitarū) que Deus Scientiâ Visionis cognoscet, evidentiter & infallibiliter videbat Deus, Saulem descendurum in Ceilam, si ibi mansisset David, & Ceilitas tradituros illum, si Saul descenderebet. Hec doctrina mihi videtur

videtur valde clara, inquit, eamque dilucidat exemplo aequoclaro, ac illud quod iam proposuit.

12. Verum ut clara videatur Caramueli haec doctrina, sciat tamen à multo iam tempore eam Suari fuisse perspectam, & ab eo propositam, l. 2. de Scientiâ conditio: c. 1. n. 3. ne forte quis de inuentione hâc perperam sibi abblandiatur. Numero vero 4. iudicium hoc de eâ fert. *Hec responso habet aliquid subtilitatis: imprimis tamen omnino voluntariè est conficta sine fundamento in Scripturâ.* Vide sis reliqua, quibus doctrinam hanc refutat. Ego sane tanti Theologi vestigijs insistens, ostendam primò, decreto in Ceilitarum sicutum esse, & quidem non probabiliter. Secundò etiam si illud fuisset, non tamen infallibiliter & necessariò Deum ex eo, aut in eo cognoscere & prædicere potuisse traditionem Davidis, fine aliâ Scientiâ conditionalium, quâ ea cognoscit non in causis aut decretis, sed in seipisis.

13. *Imprimis*, decretum illud Ceilitarum tradendi Davidem si superueniret Saul, si itum esse, ex eo patet, quod, ut recte Suarez, nullum planè in sacrâ Paginâ historiâ habeat fundamentum, vnde vel probabiliter, aut per conjecturam quidem colligere licet, Ceilitas tale decretum condidisse, eo tempore quo David Deum consulebat. Quâ ergo fiduciâ illud fingitur, & tantâ auctoritate assertur, scilicet Deum Ceilitas decreuisse de facto tradere Davidem, si illum in potestate haberent, & Saul illum peteret? vbi hoc Scriptura exprimit? Quod si autem Scripturâ, præser-tim historias enarranti, assingendi quidlibet detur licentia, quid demum sinceri habebimus posthac in sacris Paginis; & quid non dabitur comminisci, quod non auctoritate Sacra fulciam?

14. Illud certè mihi non negauerit Reuerendissimus D. Caramuel, saltem non esse certum, Ceilitas re ipsâ tale decretum habuisse. Vnde enim certitudinem eam conficiet? quod si autem certum illud decretum non sit, iam sane constat non attulisse eum certam. *Dicit manifestam huius testimonij, ut sperabat, solutionem;* cum ea fundata sit in decreto Ceilitarum planè ficto, & de quo saltem non certò constat an fuerit in rerum naturâ, nec ne. Nisi forte ex eo decretum tale existisse probare velit, quod Ceilitas illud condere debuerint, ut sua quam proponit, sit doctrina.

15. Adde, quod ne probabiliter quidem fingi potuerit eiusmodi decretum absorrum. An enim id prudenti homini credibile est,

Verum nul-lum ea de-creta habet fundamen-tum in sa-crâ his-to-riâ, cui quid-quam af-fingere ne-fas est.

Et cùl hac hec sitio certa nō sit. saltem nov-dat certam huia tes-ti-monij solu-tionem.

*Decretum Ceilitarû de tradi-
Ceilitas*

Dauide ne
probabilis-
ter quidem
finzi, pro
batur pri-
mo.

Ceilitas paulò ante à Dauide obsidione grauissimâ liberatos, tanto honorum omnium, vitæque aut libertatis perdendæ pericolo absolutos, benefactorem suum, per summam proditionem, inimico capitali tradere statuisse! At, inquies, timebant sibi à Saulis potentia & irâ, Dauidem si non traderent. Ita sanè sit, timuerint. At tum credibilius est, si conjecturis agere liceat, Ceilitas clanculum & amicè timoris sui caussas Daudi exposituros, ut collatis consiliis benevolè in commune consulerent; ne forte dum Saulis iram volunt per proditionem effugere, Daudis indignationem, & fortissimorum virorum pro vitâ suâ decertantium arma, furoremque incurrerent. Probabile enim est, Daudis arma & milites, ciuium Ceilitarum viribus longè præstasse; cum iij essent qui Philistæos, ipsam urbem obserentes, paulò ante debellassent. Philistæos autem obserentes, obcessis longè potentiores fuisse, cui non est probabile? si autem Daudis arma, ciuium armis præualebant, certè timere meritò debebant, ne proditionem volentes exequi, gladijs militum de libertate desperantium conficerentur, aut incendio in urbem immisso desflagrarent. Nisi forte Dauidem solum tradere machinabantur; illud nimirum impune passuris militibus fortissimis, & ad Ducis sui imperia dudum factis. Quid quod Ceilitæ non ignorabant, Dauidem in Regem inunctum à Prophetâ, imperaturumque procul dubio Israeli? Et futuri Regis iram, proditione si detegatur incurriendam, non extimescerent? Denique quād id parùm probabile, Ceilitas proditionem hanc molitos fuisse, tum cùm, ut ex historiâ fit planè verisimile, aduentum & machinationem Saulis, aut non sciuerunt penitus, aut non certis indicijs? Nam ut sacer textus habet, *preparabat Saul Dauidi clam malum*. An autem id clam est, quod noscit tota ciuitas? Item Dauid ipse de re totâ dubitabat, cum Deum consuleret. *Et ait Dauid: Domine Deus Israël, audiuit famam seruus tuus quod disponat Saul venire in Ceilam.* Famam tantum audiuerat Dauid, qui omnia per amicos scrutabatur in castris Saulis; quid ergo de Ceilitarum conscientiâ dicendum est? certè nullam habuisse de aduentu Saulis. Et ut aliquam habuerint, an famâ auditâ, & eâ quidem dubiâ, certum facinus animo illico designasse est probabile? an magistratus coegisse, & senatus consulto, aut publicâ ciuium acclamacione & tumultu decretum condidisse de Dauide

Probatur
secundò.

Probatur
tertiò.

uide in vineula coniicendo, & per summam ignauiam tradendo Sauli, tum cum id facile ad aures Dauidis poterat deuenire, summo totius vrbis periculo?

16. Certè eiusmodi sunt hæc argumenta, vt facile homini iudiciis non præoccupato persuadeant, nullum Ceilitas, eō quō Deum David consulebat tempore, habuisse de benefactore suo tradendo absolutum decretum, & ne cogitationem quidem. Postmodum verò tradituri quod fuissent, vt p̄dicit Daudi Deus, poterat id contingere, aut post longam obsidionem consumptis iam militibus, aut vario marte plerisque occisis; vnde Ceilitæ tandem, patriæ suæ saluti, quam alias peritoram videbant, per Dauidis iam pæne inermis traditionem consulerent. Quidquid sit, longè probabilius est, eo tempore, quo beneficij fere hesterni recens erat memoria, David in delicijs ciuum, milites Dauidis fortissimi & viatores, Saulis arma procul dissipata, nec vlla de eius aduentu certitudo; nullum de tradendo Dauide absolutum condidisse decretum, quod tamen singit Caramuel: quam parum probabiliter, iudicium sit penes Lectorem.

17. Secundò, demus sanè Ceilitas habuisse decretum absolutum tradendi Dauidem, si Saul descendenteret: & rursus Saulem habuisse decretum descendendi Ceilam: nego tamen ex his duabus decretis potuisse Deum certò & infallibiliter (nam de hoc est quæstio) cognoscere tradendum à Ceilitis Sauli Dauidem, sine illâ, quam PP. Iesuitæ & omnes passim Theologi defendunt, Scientiâ conditionalium.

18. Quod quidem sic conficio. Nam vt habuerint Ceilitæ illud decretum, certè illud naturâ suâ tale non erat, quod absolute ab iis immutari non poterat; alioquin Ceilitæ hæc in parte non fuissent deinceps liberi; quod nemo dixerit. Quod si ergo decretum mutari poterat, & quidem momentis singulis, certè in ipso decreto Deus cognoscere non poterat, quam diu esset duratum; cum tota decreti duratio, non à naturâ decreti conditi, sed à solo Ceilitarum libero arbitrio dependeret. Idem omnino de decreto Saulis descendendi Ceilam dico, nam et si videret Deus decretum absolutum Saulis, quo castra Ceilæ admouere statuerat, non tamen id decretum ex naturâ suâ non erat eiusmodi, irritari à Saule quod non posset; aut legatis à Dauide superuenientibus, aut Philisthæorum armis aliò Saulem auocantibus. Ex R ipso

Longe itaque probabilius tum cum consuleret Deum David, ne cogitasse quidem de traditione facienda Ceilitas.

Positis adhuc fictis istis decretis, non potuit tamen ex illis solis Deus infallibiliter præditionē prædicere. Primo, quia illo decreta humana mutari absolute poterant.

ipso igitur decreto, aut in ipso cognosci non poterat eius futura duratio.

Sic est inquires, verum durationem vtramque non in decreto cognoscebat Deus, sed videbat in ipsa futurae decreti duratione, nam stantibus istis duobus decretis altero Saulis, altero Ceilitarum, inquit Caramuel, quæ Deus scientia visionis cognoscebat, euidenter & infallibiliter videbat Deus, descensurum Saulem in Ceilam, si ibi mansisset David, & Ceilites tradituros illum, si Saul descendenter. Audio quidem: verum illud peto, quomodo in decretis illis euidenter & infallibiliter cognoscebat Deus descensurum Saulem, nisi certo & infallibiliter sciret decreta illa duratura, usque ad descensum Saulis futurum, v.g. post tres dies? vidit, inquit, Caramuel nam videbat Deus Saulem multis diebus sequentibus continuaturum illum actum, (volitionem descendendi Ceilam) & hoc scientia visionis; idemque dicit de decreto Ceilitarum.

*Ind non
durarunt,
si facta fue-
rent, nifruf-
que ad fu-
gam Da-
uidis.*

*Non igitur
vidit Deus
in iis com-
prehensione
Davidis.*

19.

20.

Itane vero? vidit Deus Scientiam Visionis duratura illa decreta multis diebus? at quot diebus vidit duratura? Certè non arbitror, aut Caramuelem aut ullum in orbe Theologum, dictum Deum Scientiam Visionis attingere aut videre alia, quam ea quæ fuerunt, sunt, aut re ipsa futura sunt. Non igitur vidit Deus durationem vtriusque decreti, nisi quæ defacto futura erat. Atqui vtrumque decretum non durauit, nisi usque ad fugam Davidis ex Ceilâ. Non enim est credibile, Ceilites habuisse decretum absolutum tradendi Davidem absentem, quique in ipsorum manibus non erat. Itaque eo elapso, elapsa est decreti continuatio. Saulem vero decretum absolutum, descendendi Ceilam fugâ Davidis cognitâ mutasse, ex textu constat. Nam nuntiatum Sauli est, quod fugisset David, & salutatus esset; quam ob rem dissimulanit exire. Vtrumque igitur decretum continuatum est tantum usque ad fugam Davidis. Itaque neque Deus vidit continuandum decretum ultra tempus fugæ Davidicæ: nam Deus per Scientiam Visionis, quæ futura non sunt non attingit. Cum itaque Deus, ut fatetur Caramuel, euidenter & infallibiliter Ceilitarum traditionem videre non potuerit, nisi stantibus illis duabus decretis actualibus, altero Saulis, altero Ceilitarum: Certè non iam stantibus, sed cessantibus istis duobus decretis actualibus, nihil de conditionate futuro, tanquam ab illis decretis necessario & infallibiliter inferendo, euidenter & infallibiliter nosse poterat

poterat Deus. Atqui traditio Ceilitarum futura erat post istud tempus quod Dauid suâ fugâ præuertit, & tum cùm decreta illa absoluta per fugam Dauidis erant cessatura: igitur ex decretis cessaturis nihil euidenter & infallibiliter cognoscere poterat Deus. Immerito ergo tam asseueranter afferuit Deus, descensum certò certius Saulem, & Dauidem in eius manus esse tradendum, isthic si permanserit.

21. Dices non cessisse illa decreta per fugam Dauidis: permanesse enim odium in Saule, & timorem in Ceilitis, vnde ista decreta emanarant. Respondeo, quod si de actuali decreto & odio Saulis loquaris, falsum esse quod assumitur: nam textus diserte dicit, quod decretum eundi Ceilam mutauit, neque Ceilitas credibile est perstitisse in actuali voluntate tradendi Dauidem, cùn causa timoris euertendæ vrbis, quæ erat præsentia Dauidis, iam cessaret. egerunt ipsi deinceps res suas, neque de Dauide cogitarunt. Quod si de habituali aut radicali odio Saulis, & timore in Ceilitis sit sermo, nihil hinc habet subsidij Deus, ut certò & infallibiliter cognoscat euentum, qui exinde sequi potest, cùm re ipsâ possit etiam non sequi.

22. Non igitur manifestam & certam, sed ne probabilem quidem huius testimonij solutionem attulit Caramuel. Aut ergo per conjecturas, Deum à Dauide seriò & in re seriâ consultum, respondisse fateatur necesse est; aut si certò & infallibiliter futuram sub conditione Ceilitarum proditionem prædixit (vt verè prædixit Deus) certè aliâ quam Visionis Scientiâ, euentum illum (qui tamen numquam futurus erat, nec in decretis illis continebatur) cognouisse dicendus est. Alia autem Scientia quæ id attigerit, nulla assignari potest, quam ea quam Patres Iesuitæ & passim omnes Theologi, Deo inesse contendunt; nempe illimitata, & non pro vt à Caramuele perperam restricta est, conditionalium Scientiâ. Videamus porrò, an feliores aliis, qui vt ipse ait (nescio an per contemptum loquatur) circumferuntur locis, daturus sit solutiones.

R 2 §. IV.

§. IV.

Sine tulla probabilitate singit Caramuel duo decreta humana,
Israëlitarum unum, Ethnicarum alterum, ut explicet testi-
monium 3. Reg. 11.

Onus sibi Caramuel. n. 118. locum illum 3. Reg. 11. Rex 23.
autem Salomon adamauit alienigenas multas; filiam quoque
Pharaonis, & Moabitidas, & Amonitidas, & Idumeas & Si-
donias, & Hethreas; de gentibus super quibus dixit Dominus filii
Israel: Non ingrediamini ad mulieres alienigenas; certissime enim
auertent corda vestra. Lex hæc à Deo lata fuerat Exod. 34. v. 16.
Hoc testimonium postquam alijs euasionibus conatus est elu-
dere, quas hic non persequor, eo quod limitatam de condi-
tionalium Dei Scientiæ Caramuelis doctrinam non spectent: de-
mum certissimam hanc, quam prædictit, auersionem futuram, po-
sito quod alienigenas ducant, ita explicat, & dicit se ostendere,

*Ponit Ca-
ramuel
Duo decre-
ta humana
absoluta,
ut eneruet
hoc testi-
monium.*

ex futuris absolutis humanis posse oriri infallibiliter istam realem
& metaphysicam certitudinem conditionalam. Age porrò ostende.
Nam si ponatur, inquit, ex parte Hebreorum voluntas absoluta
concedendi viroribus quod primum petant, & ex parte Ethnicarum
voluntas absoluta petendi Idololatriæ propagationem, per consequen-
tiā realiter infallibilem, infertur Hebreorum corda auertenda, si
ad Idololatrias viri ingrediantur. Tunc Lectorem magnificè cir-
cumspiciens, ergo christissimè vides, inquit, quam inutilis sit Scientia
media Diuina.

*Verum eo
enarrato,
nihil cora
scientiam
conditionalium illi-
mitataam
conficit,*

24. Ego sane adhuc id non video, ne quidem obscurè: solum id
video clarissimè, intempestivum esse triumphum canere ante
victoriā. Nam ut id esset, quod positis istis duobus decretis,
Deus Scientiæ conditionalium non indiguisset, ad cognoscendam illam Hebreorum auersionem, quæ hic certissimo futura
prædicitur; quomodo exinde sequitur, inutilem esse absolute
Scientiam medium Diuinam, ad alia cognoscenda, quæ à nullo
decreto absoluto libero dependent? Aut quomodo sequitur hæc
illatio; Auersio hæc Hebreorum certissimè cognoscitur à Deo,
quia dependet à duobus decretis absolutis, quæ nouit Deus
Scientiæ

Scientia Visionis: ergo nulla alia conditionata futura cognoscit Deus per scientiam ullam aliam, nisi quae ab eiusmodi decretis dependent? Eam vero consecutionem non facile planam faciet ullus Logicus. Procedit enim a particulari affirmativa ad universalis negativa; quod ne speciem quidem habet bona argumentationis.

25. Deinde, ut auersionem istam Hebreorum certissime futuram in decretis illis nosse potuerit Deus, unde constat eam sic fuisse cognitam? An illa vel in speciem est umbra in sacris Paginis, vnde vel coniecturâ liceat assequi, eiusmodi decreta in Israëlitis fuisse? Quæ demum hæc est fingendi licentia? nullum enim habet in Scripturis, commenti sui vestigium Caramuel, tamen inquit, ponatur ex parte Hebreorum voluntas absoluta concedenda uxoribus quod primum petant, & tunc clara erunt ipsi omnia & expedita. An hoc est Scripturis vti, an abuti? an hoc est Dei mentem ex sacris Paginis investigare, an potius ad sua commenta Dei verbum trahere? Certe si ponere aut supponere possim quidlibet, ut scripturas explicem, nihil prorsus est quod non ad quidlibet detorquebo. Ponamus Christi verba figurate sumenda esse, & non multum urget clarissimis Scripturæ verbis, ut presentiam Christi realem in Eucharistiâ confitear, nec ullus hereticus hæc in parte conuincetur.

26. At vero fingendi licentia Caramueli data ut sit, certe ea proferre deberet, quæ saltem probabili aliquâ ratione, recte vide- rentur potuisse configi. Ponatur, inquit, ex parte Hebreorum probabilitas voluntas absoluta concedendi uxoribus quod primum petant, & ex parte Ethnicarum voluntas absoluta petendi Idolatrie propagationem. At vero illud iam rogo, quo pacto ponere aut suppone- re possim rem tam insitutam? ubi enim hoc gentium unquam auditum est, ut populus integer, nullo inter se concilio aut conspiratione habita, nullâ de hâc re lege latâ, nihilominus in hoc conuenerit, ut quilibet, aut etiam maxima virorum pars, voluntate absolutâ decreuerit concedere uxoribus futuris, & quidem adhuc incognitis, quod a maritis primum petent? Pater tacente me, quam id sit ridiculum fingere fuisse factum. Certe latum haberent faminæ in eiusmodi Republicâ dominandi campum. Adde, quod eiusmodi voluntas, absoluta quidem concedendi quidlibet, indeterminata tamen quoad obiectum (sive pium &

Magna li-
centia est
supponere
Scripturis,
ea que in
iis non ha-
bentur.

Decretum
Israëlitarum
sine ullam
probabilitate
fingi;
probatur
primo quia
nusquam
gentium
existit.

Secundo
quia impiū
rectum

rectum sit, petitur quod sunt fœminæ, siue sit iniustum & impium) impia prorsus, sit & iniusta, mortalique peccato obnoxia. Et eiusmodi voluntatem absolutam in vniuerso Israëlis populo fuisse, possim credere, quā totus quantus est, aut saltem maximā ex parte, mortali scelere foret involutus. Nimirū hæc est singendi licentia, ea proferre quæ ne speciem quidem, probabilem ut cuncte, historiæ præferant.

*Decretum
etiam fe-
minarum
Ethnicarum
gratia fa-
dum.*

Et vero, quod de *Ethnicarum voluntate absolutâ petendi idolo-
latrie propagationem* isthic additur, & quidem petitione primâ,
ne, si aliud quid prius petierint, excidant iure imperandi post-
modum idolatriæ propagationem certō certius primæ petitio-
ni concedendam, ob voluntatem absolutam Israëitarum con-
cedendi vxoribus *quod primum petierint*, ut vult Caramuel: hæc
inquam suppositio seu fictio, rursus omni probabilitate caret.
Non enim credibile est, omnes omnium nationum fœminas, in
eandem voluntatem peruerteri Israëlitæ conspirasse, aut con-
spiraturas deinceps toto Legis antiquæ duraturo tempore, ne-
que Idolatriæ propagandæ tam studiosas fuisse mihi quisquam
persuaserit.

*Probatur
ex aliis
scriptura
historiis.*

Historiam vero sacram si attendimus, certè inueniemus Ruth
Moabitidem, nihil simile à marito suo Obed petiisse; & 1. Es-
dræ, 9. & 10. habemus Israëlitæ plurimos vxoribus alienigenis
fuisse coniuctos, nec tamén in Idolatriam deflexisse. Vnde
liquido patet, aut Ethnicas vxores *Idolatriæ propagationem* à
viris suis primâ petitione non petiisse; aut si petierint, Israëli-
tas omnes non habuisse voluntatem absolutam concedendi vxo-
ribus *quod primum petierint*. quomodo autem in hæc historiâ
verum sit Dei oraculum, *certissimè auertent corda vestra*, id iam
non ago; sufficit mihi ostendisse nihil probabilitatis adserre Ca-
ramuelem, eiusmodi decreta cum effingit, quorum nec in sacrâ
historiâ, nec in hominum visitatâ praxi ullum habemus vesti-
gium. Certe nec Salomon ipse, quamvis per alienigenas vxo-
res postmodum peruersus fuerit, tamén ab ipso matrimonij sui
exordio *voluntatem uxori siue concedendi quod primo petierit ha-
buisse dicendas* est. Nam vti patet, 3. Reg. 3. filiam Regis Ægy-
pti duxit, tum cum Deo summopere placebat, summis eius cul-
tor, & à quo paulo post sapientiæ dñi dñi accepit. An
autem placere Deo poterat is, qui voluntatem absolutam habe-
ret

27.

28.

ret concedendi quidlibet uxori quod primum petierit, impium id licet fore? sane cum per mulieres deprauatus fuit, id teste Scripturam contigit, cum mulieribus plus nimiō addictus, *Adamauit mulieres alienigenus multas.* 3.R.11. v.1. *Cumque iam esset senex, depravatum est cor eius per mulieres, ut sequeretur Deos alienos, nec erat cor eius perfectum coram Domino.* Seni itaque depravatum est cor; non igitur depravatum erat, tum cum Ethnicas primum duceret: quod tamen proculdubio dicendum foret, si voluntatem absolutam habuisset, uxoribus concedendi quod primum petierint, etiam si postulassent Idolatriæ propagationem. Et vero, si filia Pharaonis etiam voluntatem absolutam habuerit Idolatriæ propagandæ, mirum est distulisse petitionem suam, donec iam senex esset Salomon, neque quidquam à marito amoribus suis tam implicito interea postulasse. Illud enim necessario dicendum est contigisse, ut per consequentiam realiter infallibilem, ut loquitur Caramuel, depravatio Salomonis sequeretur.

29. Quod si, ne in iis ipsis quidem, qui re verâ à mulieribus Ethnicis ad Idololatriam distorti sunt, eiusmodi voluntas absoluta concedendi mulieribus quidlibet inueniatur, ubi quanto eam inuenit Caramuel pro futuris conditionatis peruersiōibus? quomodo, inquam, voluntatem tam impiam affingit infinitis Israëlitis optimis & sanctissimis, qui alienigenas numquam duxerunt, de quibus tamen sacer textus affirmat, certissimè pertinendos eas si duxerint? Quod si eam voluntatem non habuerint, aliam Scientiam certe in Deo esse necesse est, quā peruersiōem illam & certissimè quidem futuram cognoverit, & prædixerit. Non igitur id dicat Caramuel *clarissimum esse quād inutilis sit Scientia media Diuina*: nullam certe eius suppositiones & figmenta huic rei attulere claritatem.

I. V.
Tyriorum & Sidoniorum decreta, de acceptanda Religione que
miraculis confirmaretur, gratis finge Caramuel.

30. Ideamus portò an felicius grauissimo illi Christi testimonio, de Tyrijs & Sidonijs refutando, faciem præferat, ut aliquid suis

Testimonia
nisi Christi
proponitur.

suis commentis afferat claritatis. Habetur id Matth. 11. his verbis, *Ve tibi Corozaim, ve tibi Bethsaïda: quia si in Tyro & Sidone facte essent virtutes, quæ facte sunt in te, olim in cilicio & cincere p̄nitentiam egissent.* Nolo iam huic argumento diutius immorari, vt ex hisce Christi verbis, Scientiam medium euidentissime consci demonstrem. Præclarè id à præstantissimis Theologis peractum est. Cum Reuerendissimo Caramuele mihi iam res est. *Testimonio hoc se non virgeri afferit;* & quamvis intallibilis fuerit Christi prædictio, & de obiecto infallibili; tamen ad eam proferendam, Scientiam in Deo medium statuendam non esse, quā hæc conditionatè futura infallibiliter nouerit in seipsis. Quō igitur pactō ea cognouit? Dicam inquit, *Tyrij & Sidonij habebant piam affectionem erga miracula.* Imprimis hoc fictum est. & gratis dicitur. Sed quid deinde? Audi stante, inquit Caramuel, illorum decreto, quod vellent habere religionem, quæ confirmaretur miraculis, necessariò sequebatur per consequentiam realiter infallibilem, illos si vidissent prodigia, à Deo fuisse conuertendos. Et quidem prius eorum affectus, & desiderium inquirendi veritatem per miracula, cognoscet Visionis Scientiâ Deus, nec indigebat Scientiâ mediâ.

*Sed sine
vīlī fun-
damento
id fingitur.*

Multa hic sanè assumuntur satis liberè, parūm tamen probabiliter. Nam de piâ illâ Tyriorum affectione erga miracula, & de pio desiderio inquirendi veritatem per miracula, nihil vsquam aut in Sacris Scripturis, aut historiâ profanâ legimus: Prophetæ vero arrogantiā Tyriorum, grauissimis sanè verbis passim infectantur. Nihil saltem hactenus de Tyriorum & Sidoniorum pietate legi, nisi quod pie de eis sentiat Caramuel, vt Deo Scientiam medium illimitatam detrahat.

*Es sine vī-
lī probabi-
litatis, qui-
dem specie.*

Age portò, cùm te Scripturis omnibus, quæ pro Scientiâ media afferuntur, explicandis, probabiles & fortè manifestas solutiones daturum pollicearis n. 114. An hoc probabile, ne dicam manifestum est, Tyrios ex pio affectu inquirendi veritatem, decretum condidisse, quo sese obstringerent religionem assumpturos quæ miraculis confirmaretur? si manifestum id est, certè ex historiâ manifestum sit necesse est. Itaque decretum illud producat Caramuel, dicatque apud quem legatur, aut ex quo tabulario vetus istud nobisque incognitum decretum depromperit. Manifestum autem illud cùm non sit, quomodo iam vel probabile

31.

32.

probabile faciet, apud Tyrios solos decretum extitisse, quod nec ab illis, nec ab illâ vñquam natione conditum legimus? Ulteriori per, an totius Tyri & Sidonis senatus-consulto decretum istud prodierit, an verò singuli ciues, hoc sibi libere considerint? Quid hic rursus afferet auctor, vt alterutrum vel in speciem probabili ratione afferat? Quasi verò de Religione dubitarint omnes Tyrij & Sidonij, qui Idololatriæ pertinaciter inhærebat, vt ex sacris constat litteris: aut magna ipsis in verâ Religione inquirendâ esset curatio, qui toti in mercaturâ promouendâ, diuitiisque toto orbe perquendis incumbebant. Figmenta esse hæc decreta, piasque Tyriorum affectiones excogitatas tantum esse, nemo non videt. Et tamen sine facto illo decreto, Christi sententiam infallibilem esse non potuisse vult Caramuel; quam tamen realiter infallibilem & veram fuisse fatetur. Aliunde itaque veritas illa petenda est, quâm ex hoc facto decreto Tyrorum, quod numquam in rerum naturâ fuit.

33. Illud quoque Caramuel aduertat necesse est, Christum non simpliciter dixisse *si in Tyro & Sidone facte fuissent virtutes, pœnitentiam acturos, verum & modum expressissime; nimirum in cilicio & cinere pœnitentiam acturos.* An hoc igitur etiam *necessariò sequebatur per consequentiam realiter infallibilem ex Tyriorum decreto, quo volebant habere Religionem confirmatam miraculis?* an non poterant conuerti & pœnitentiam agere, sine cilicio & cinere? sine dubio. Vnde igitur Christus pœnitentiam hanc conditionate futuram, infallibiliter norat agendum fuisse in cilicio! sanè cum non nisi in Tyriorum decreto absoluto, id per infallibilem consequentiam Christus nosse potuerit, vt vult Caramuel, aliud ego decretum priori assuendum iudico, cuius forte oblitus fuerit; nimirum Tyrios, senatus-consulto irrefragabili & in omne tempus duraturo, legem condidisse, quo omnes ciues tenerentur illico ad verum Deum conuerti, cum virtutes fierent in Tyro, quale postea factæ sunt in Corozaim: neque hoc tantum; sed ad placandum Numen, pœnitentiam liquidò præscripsisse ciuibus, quâ non alio modo, sed in cinere & cilicio prorsus pœniterent. Quâm verò probabile sit tam pia, vt Caramuel ea vocat, decreta in impio prorsus populo extitisse, iudicium penes Lectorem fit. Denique vt rem conficiam, futilitatemque figimenti Caramuelici euincam: an Tyrijs & Sidonijs nota non erant

S

erant

erant miracula quæ Christus patrabat quotidie ? quis id certè neget in tam exiguo locorum interuallo , miraculisque quæ, teste Euangeliō, paſſim diuulgabantur per omnem terram ? cur ergo conuersi non sunt ? niſi forte decretum iſtud condiderint post Lazari aut certe Christi resurrectionem ; aut ſanè conditio iſta decreto iſerta fuerit, non alia iſpis credibilia fore miracula, niſi in Tyri & Sidonisforo aut compitis patrarentur. Nimis abſona hæc ſunt, quām vt fidem faciant vel inueniant.

§. VI.

Iterum fingit decretum inauditum in Iusto rapto, ut explicet locum Sap. 4.

Exponitur
peculatio
Caramue-
la.

Vltimum tandem illudque rursus celeberrimum ē Scripturā 34. testimonium, quod ſibi Caramuel diſſoluendum proponit, eſt illud Sap. 4. *Raptus eſt nimirum iuſtus, ne malitia mutaret intellectum ipsius.* Scivit itaque Deus iuſti, quem ē viuſ eripiebat, intellectum mutandum ſeu deprauandum, in viuſ ſi maneret. Scivit, inquit Caramuel, ſed non per ſcientiam medianam. Quomodo igitur ? Audi. Poſſumus, inquit, dicere ſiue ille locus intelligatur de Enoch, ſiue de quocumque alio Iuſto, ſep̄e contingere quod Scientiā juā Visionis, Deus cognofcat aliquod decretum humanae libertatis perseveraturū v. g. per duos dies. ⌈ respecturū obiecta ſecundū ſe indifferentia ; que primā die ſint bona extrinſicas propter adiacentes aliquas circumſtantias, poſtridie mala propter aliquas circumſtantias ſuperuenientes. Poterit ergo Deus, hominis liberis arbitriis illas ſecundas circumſtantias impedire, aut etiam hominem eripere ē loco in quem illæ concurrent : neque ad hoc egebit Scientiā mediā. Quod ut clarius exponat, fit inquit cræſtina dies ieuiunio coleda Madriti, non Compluti. Sit Madriti Albericus, ⌈ nibil de ieuiunio cogitans, ſtatuat apud ſe voluntate efficaci, ſe cœnaturum totā hebdomade : maneat hoc decretum etiam totā ergo hodie cœnando Albericus non peccabit. ⌈ cras ſi cœnet Madriti peccabit. Quid ergo vetat, quod vel Deus faciat quod in mentem eius non veniat diem cræſtinum eſſe ieuiunij : aut etiam ad alicuius amici iuſtantiam, aut etiam tactus Diuinitus ⌈ ſe velis non ſolum pre-determinatus

determinatus sed *et necessitatus*) transferatur Complutum, antequā legem cognoscat quam violaturus erat infallibiliter, si mansisset Madridi? sanè in hoc casu, essent vere ille due propositiones. Prima, si mansisset Madridi, cœnasset, *et* consequenter peccasset. Secunda, Raptus est (motu nimirum libero vel necessario, nam quoad hoc, alterutrum perinde est) *et* translatus est Madrido Complutum; ne malitia mutaret intellectum eius, aut ne filio deciperet animam illius. Hactenus Caramuel; de quo quidem non timeo ne malitia mutet intellectum eius; illud tamen subuereor, ne fictio deceperit animam illius: nihil enim nisi figura profert: quibus cum sacræ Paginæ auctoritas eliditur, illi sanè illuditur.

35. Verū antequam figmentum prodam, illud velim meminisse D. Caramuel, Theologorum omnium esse constantem sententiam, quod paulò ante etiam monui, Deum Scientiā Visionis nullum obiectum attingere, nisi quod actu fuit, est, aut absolute futurum est. Neque Caramuel credo hāc in parte dissentire, quod si ita est; quomodo per Scientiam Visionis Deus scire potuit Iusti huius *qui raptus est, ne malitia mutaret intellectum ipsius*, decretum perseneraturū fuisse, v. g. per duos dies si raptus non fuisset aut morte præuentus? nam reuerā decretum illud, qualemcumque demum fuerit, actu non durauit duos illos dies; nam raptus est ne malitia immutaret decretum illud. Agitur decretum illud duos dies duraturum non sciuit Deus per Scientiam Visionis; nisi Deum videre velis etiam ea quæ numquam futura sunt; quod nemo Theologus vñquam dixit. Quod si autem Iusti huius liberum decretum, duraturum non vidit Deus Scientiā Visionis, iam sanè corruit tota Caramuelis speculatio, eamque durationem sub conditione futuram, infallibiliter, non nisi per scientiam Medium cognouisse necesse est.

36. Deinde, cum rursus ad decreta absoluta hominum confusat Caramuel; quod quæso decretum fecit Iustus hic antequam raperetur, quod respiceret obiecta ex se indifferentia? An non hoc rursus egregium figmentum est, quod nullum in sacris literis, ne specie quidem tenus habet fundamentum? Ex iis autem satis constat Iustum hunc habuisse decretum, non *quod respeciebat obiecta secundum se indifferentia*, sed quod planè in se sanctum esset & absolutum, seruandi nimirum omnium mandata Dei. nam disertè de eo dicitur ibidem nu. 10. *placens Deofa-*

*Refellitur
ex notione
visionis
Divina.*

*Nō fitum
modo sed
& falsum
est Iusti de-
cretum re-
speciens
obiecta se-
cundum se
indifferen-
tia.*

ctus est dilectus; & viens inter peccatores translatus est. raptus est ne malitia &c. & rursus n. 14. placita enim erat Deo anima illius; propter hoc properauit educere illum de medio iniquitatum. An autem placita dicitur anima illius Deo, ob decretum respiciens obiecta secundum se indifferentia? minimè verò: nam decretum obiecta secundum se indifferentia respiciens, in se etiam indifferens est, neque vlo modo sanctum, aut quod Deo placi tam reddere possit animam. Cur ergo tale iusto illi affingitur?

R ursus propter hoc, inquit, sacer textus properauit illum educere de medio iniquitatum; propter quid? quia placita erat Deo anima illius, atqui non erat placita anima Iusti huius ob decretum quod illi affingit Caramuel, ergo neque ob hoc decretum properauit eum educere de medio iniquitatum. Animaduerte quod de medio iniquitatum raptus sit, non autem de mediō obiecti aliquius, quod per circumstantias extrinsecus aduenientes mutandum erat de non malo in malum. frustra igitur decretum illud singitur.

Neque frustra tantum, sed & inuitu textu, nam raptus est non malitia immutaret intellectum ipsius siue ut Syrus legit conceptum eius, Vatablus verò sensus eius. itaque sciebat Deus immutandum conceptum eius seu sensum eius, si mansisset in viuis aut inter peccatores, aliaque formaturum de rebus diuinis iudicia, peccatorum nempe consuetudine & familiaritate deprauanda. hoc sanè clarissimè vult sacer textus. Non ergo erat mutandum Iusti huius decretum ex bono in malum, per solam aliquam circumstantiam extrinsecus aduenientem (puta per legem positivam Dei iusto non satis intimandam, ut in easu Alberici ponit Caramuel) sed sciebat Deus mentem seu propositum Iusti, nisi è peccatoribus raperetur mutandum in se ipso, malitiā & peruersitate ipsi actui intrinsecā. Atque hoc modo ad exemplum Alberici à Caramuele propositum iam respondimus, quod cum easu nostro commune non esse, ex dictis pater.

Iam verò illud tandem vrgeo, & peto in quō tandem decretō hominis illius Iusti absolute, Deus scire potuerit hanc mutationem futuram fuisse, nisi mōreretur aut ē peccatoribus raperetur? Nam decretum illud respiciens obiecta ex se indifferentia, non agnoscimus, ut quod temerē sit confictum: decretum autem quod vere habuit tunc cum raperetur, nimirū propositum sem-

per

per seruandi mandata Dei, sanctum erat & perfectum, & pro illo instanti semper productum suum effectum: non ergo in eo decreto, certe & infallibiliter mutationem Iusti cognoscere potuit Deus, nisi raperetur. Non igitur hactenus attulit Caramuel, ad testimonia illa clarissima, pro scientia mediâ Deo adstruendâ è scripturis petita, quidquam quod vel probabilem iis afferat solutionem. Neque iudicium Lectoris ego tantum, sed & Caramuelis ipsius appello: quem vti ingenio perspicacissimum, ita & moribus candidissimum esse scio: neque alium per hasce disputationes sibi præfixum scopum habere, quam arcana diuinitatis mysteria disputando, alienaque ingenia excitando, reddere manifestiora.

39. Illud tamen pacetanti viri rursus dixisse non piguerit, vt sane probabiles fuissent Caramuelis textuum sacrorum expositiones, non idcirco illico negandam fuisse Deo Scientiam medium fere ad omnia conditionatè futura extendentem. nam cum illa infinites infinitis partibus perfectior sit, præcâ quam ad decreta quædam humana restringit Caramuel, certè ob rationes aliquas probabiles, de possessione tantæ perfectionis & quidem simpliciter simplicis, deiiciendus non erat Deus: sed potius annidentum omnibus ingenij viribus, vt scientiam eam quam nemo, si detur, non iudicauerit esse perfectionem summam, Deo astruamus: cuni nihil perfectionis optari aut excogitari ab ingenio creato, imò &c/creato possit, quod re ipsâ iam non sit Deus.